



ᠮᠣᠩᠭᠣᠯ ᠤᠯᠤᠰ
ᠭᠣᠪᠢ-ᠠᠯᠲᠠᠢ ᠠᠶᠢᠮᠦᠭᠢᠨ
ᠵᠠᠰᠠᠭ ᠳᠠᠷᠦᠭᠢᠨ
ᠵᠠᠬᠢᠷᠠᠮᠵᠢ

**МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ**

2021 оны 04 сарын 24 өдөр

Дугаар А/В/Е

Алтай хот

**Гамшгаас хамгаалах зохион
байгуулалтын арга хэмжээг авах тухай**

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшгаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2021 оны 45, 91, 104 дүгээр тогтоол, Улсын Онцгой комиссын 2021 оны 02 дугаар тогтоол, аймгийн Онцгой комиссын 2021 оны 22 дугаар хурлын шийдвэрийг тус тус үндэслэн **ЗАХИРАМЖЛАХ** нь:

1.Ковидын тохиолдол илэрсэнтэй холбоотой аймгийн хэмжээнд 2021 оны 04 дүгээр сарын 24-ний оройн 18.00 цагаас 2021 оны 04 дүгээр сарын 27-ны оройн 18.00 цаг хүртэл хөдөлгөөнийг бүрэн зогсоосугай.

2.Дээрх хугацаанд дэд бүтцийн хангагч байгууллагуудыг цомхон бүрэлдэхүүнтэйгээр, хэвийн үйл ажиллагаанд тасалдал үүсгэхээргүй ажиллуулахыг тухайн байгууллагын удирдлагуудад зөвшөөрсүгэй.

3.Халдварын тохиолдлын шалтгаан нөхцлийг тогтоож, хариуцлагажуулах, хавьтлуудыг яаралтай тодорхойлох, болзошгүй эрсдэлээс сэргийлэх бүх шатны зохион байгуулалтын арга хэмжээг төлөвлөгөөний дагуу шуурхай авч хэрэгжүүлэхийг аймгийн Онцгой комиссын шуурхай штаб, Эрүүл мэндийн газар, Онцгой байдлын газар, Цагдаагийн газар, Зооноз өвчин судлалын төв, Тагнуулын хэлтэс, Мэргэжлийн хяналтын газар, Нэгдсэн эмнэлгийн дарга нарт тус тус үүрэг болгосугай.

4.Захирамжийн хэрэгжилтэд хяналт тавьж, гүйцэтгэлийг тухай бүр тайлагнаж ажиллахыг аймгийн Засаг даргын орлогч (Г.Чинбат)-д даалгасугай.

ЗАСАГ ДАРГА

О.АМГАЛАНБААТАР

